## 山庫全幸

史部

欽定四庫全書以本

. 史部

詳校官檢討 臣羅國俊 刑部即中一許北棒覆勘

總校官進士臣繆 校對官主簿臣汪 曆銀監生日張 鴻仁 日賛

琪

唱名第一甲方終太史奏日下五色雲見左右從官 ) 字解主相州人中進 官至丞相配豆 1.1. 魏國忠獻 **水名臣言行解後集** 一十公年二十名在第二 事仁宗英宗 暴集 時

一致定 坚库全書 徒開封府推官理事不倦暑月汗流浹背府尹王博 监左藏庫時方貴髙科多徑去為顯職公獨滯於莞 **药且** 學家 右司諫供職勸上明得失正朝廷紀綱親近忠直放 也胡氏傳 衆以為非宜公處之自若不以為早冗職事亦未嘗 皆質於殿上 大器重之曰此人要路在前而治民如此真宰相器

大三日時 公司 公又言賞罰當從中書出令數聞有内降不可不 會恭齊宋綬當世名臣宜大用上 罷宰臣王隨陳充佐祭政韓億石中立等等 正之臣可脩進擢不然嘗所用者王會吕夷簡蔡齊 才累言於上未見納公又奏曰豈陛下擇輔弼未得 、耶若杜行范仲淹孔道輔宋郊胥偃衆以為忠 八所屬望也章十上不報公抗疏乞出上 乃 宋名臣言行錄後集 一納其說王

**伎時災異數見公以災變屢發主於執政者** 

韶同詳定阮逸胡瑗等所造鍾律公曰祖宗舊法齊 徒三年 ,間作銷金服玩公請以先朝蒨制禁絶之乃下諂申 諭未幾有犯者開封以刑名未明中請審刑院議 此所公天下正人公得此益自信於 自安計不則激發近名如君固不負所職諫官宜若 論事 切直有本末謂公曰比年 年敕犯銷金者斬請復 **臺諫官多畏避** 用

多分に人人

發解開封府舉人時惟禮部贡院置封彌謄錄二 , , , , , , , 弼臣緩兹求樂之誠移訪安遣之 氣象求乎既達其源又當完當今之所急國家方夏 洛海内擊壤鼓腹以歌太平斯乃上世之樂可得以 為長遂詔将來南郊用和岘舊樂 斯久屬者徇一 不若窮作樂之源為致治之本使政令平簡民物 又弛邊備犬戎之性豈能常保願陛下與左 1. . . 士之偏議慶數朝之定律臣切計 宋 名 更 字 丁 菜 炙 議急其所急在理 腴

| 一一年全書 公為諫官三年所存諫稿欲斂而焚之以效古人慎密 公言自古興儉以勸天下必以身先之令欲减省浮費 内東門司先朝及今來賜子支費之目比附酌中 莫如自宫掖始請令三司取入内内侍省并御樂院 封止有封彌官公請並設騰錄司以示至公從之 從减省無名者一切罷之 二卷曰諫垣存稿自序於首大畧曰諫主於理勝而 ·義然恐無以見人主從諫之美乃集七十餘章為

欠足の華人時 以益利路人飢為體量安撫使公至則蠲減稅以募 盡以給四等以下戶逐貪殘不職吏罷冗役七百六 親食為甚明道中以災傷當動納栗後難錢十六餘 萬歸於常平公曰是錢乃賑濟之餘非官稱也發庫 以至誠將之 之家得以全活檄劒門關民流移而東者勿禁簡 栗柏募壯者等第刺以為廂禁軍 人為館粥活飢人 )並家 宋名臣言行錄後集 百九十餘萬蜀人曰使者之 人充軍數口 *)*}

|元昊初叛兵鋒銃甚中國久不知戰人心頗恐授公 金り 圍去然士氣沮傷將吏往往移病求罷職公即遂 守延州朝廷以為不能欲以趙振代公奏曰願留雍 材武治戰守器慰安居人收召豪傑與之計議范 西安撫使趣上道公勇欲自効馳至延安則羌已 V! 点 觀後效無已則范仲淹為可以為國家計非私 也若涉朋比 家 誤陛下 事當族慶人 陳权慶等陳邊 陜

康定元年夏竦都護西師公副之未幾遣學士晁宗慰 宗逆戰果不利詔下切責仰以進兵日月來上衆復 内侍王守忠督出兵攻城公曰如詔意為便不則元 所論不得用使持奏還而元昊掠鎮戎軍偏將劉繼 吴聚兵出不意攻伐我倉卒赴敵以敗合府争之 用乃置於僻左實點縻之非所以開示誠意招來人 防策補官東南公奏曰忠義憤懣為國獻計雖稍收 オセ

CIL DIEL VIEW

宋名臣言行肆後集

常寡相遇每不敵是以元昊能數勝令不完此失乃 兵不出四五萬餘皆婦女老弱舉族而行我四路之 臣實痛之願更命近臣觀賊之隙如不可不擊則願 攻策已而執政以為難公不得已獨上章曰元昊精 待贼大過以二十萬重兵惴然守界濠不敢與虜角 兵不為少分戊數十城塞彼聚而來故常衆我散故 會議乃畫攻守二策求中決公馳驛奏闕下上許 不疑臣言奏雖未下知兵者以公言為然

重切 口屋 有量

火足四年 白馬 公往來塞下勤苦忘寢食期有以報上 亦斬福循進兵遇伏逐戰死疾公者己 誘我皆無得極出待其歸且惰也邀擊之而裡將任 福王仲實狂小勝數違節度公檄之曰違節度有功 間狭隘可守過此必有伏或致師以怒我或為解以 **逮調兵兵未集贼果入鈔山外公指圖授諸将曰** 聞元吴乞 即使收除兵得機福衣帶問封上之朝廷知罪在 )和公諭諸将曰無約而降者謀也宜益備 宋名臣言行蘇後集 |出按屯至涇原 置公大罪後

初京師所遣成兵脆懦不習勞苦賊嘗輕之目曰東軍 **慶歷二年陝西四師皆改觀察使公為秦州觀察使** 公在秦增廣州城以保固東西市抬集屬戸益市諸差 吾君憂邊臣子何可以擇官獨不辭 馬討殺生羌之鈔邊者厲兵以待贼記公去秦賊不 敢窥塞 詻将止左遷右司訣知秦州 **善戰公奏增土兵以抗賊而稍减中** 

重りで

人ノいずで

ノこう 中兔爾章既上又與范公定謀益坚而元昊點敗 度横山縣則平夏兵素弱必不能支我下視興靈穴 軍軍雖别也而耳目相通為一視房所不備互出掛 有功公方建請於鄜延渭三州各以土兵三萬為 皆有備賞罰信於軍中將亦習戰闘識形勢每出趣 蕭閼鳴沙之道既任事人歲補月完甲械精堅諸城 内實京師又以籠堂 )破其和市屠其種落困提其國因以招橫山之人 7.1.1.7 -城據衝要に建為徳順軍以 **米台臣言行孫先集** 

銀牙四月 合意 带者納之時范純祐亦在延安謂公曰不治此事 得體盖行之則沮國威令乃受其带是堕賊計中 駐延安忽有人 公遣甚來盖是時張元夏國正用事也公復就枕 汝攜予首去其人曰某不忍願得金帶足矣遂取带 出明日亦不治此事俄有守即卒報城櫓上得 可敢亦飲兵不敢近塞此行 曰誰何曰非來殺諫議又問曰誰遣汝來曰張 人夜攜七首至卧内遠寒幃帳公起 金 相

臣之四年全書 人 初夏人方議和公以謂邊備不可她請與范公俱出按 公與范公同召拜樞密使副公自請捍邊至五表不聽 作関古堂詩叙其事傳於世 既至又 陽蒲中及以兵從公以為不必請兵上前議未合退 行遂命公宣撫陝西范公宣撫河東范請益兵屯 會夏國送敖公謀不果用范公每恨齟齬功不就故 公嘆曰非琦所及塵 、與范公伸前議同决策上前期以兵覆元昊 宋名臣言行錄後集 河

時仁宗以天下多事急於求治手詔宰相杜衍曰朕用 公至關陝以兵數雖多而雜以疲弱耗用度選禁軍 赞公說卒不發去記亦不以為件俸 堪征戰者停放一 則去年韓琦汰追兵萬餘人豈聞有為亂者哉家 於殿廬中猶爭公曰若爾則臣乞自行不用朝廷 不堪戰者為廂軍云若謂兵驕久一 騎范色忽欲再請對道公語公笑止之會富公 萬二 一千餘人後田况乞選諸路軍 旦澄汰恐致亂

蘇子美華為進奏院事發仁宗為義者所惑夜造 狀行 冗食謹入官繼又獻七事議稍用而小人已侧目 選將師明按察豐財用抑佐倖進有能退不才一 指陳其實同列尤不 又開天章閣賜坐咨訪急務公條九事大畧備西 一府皆合班奏事公必盡言事雖屬中 、望有可施行宜以時 宗識之口韓琦性

火にもりませんから

宋名臣言行錄後集

諸人 金にないるとう 賈昌朝參政陰主之張方平宋祁王拱辰皆同力以 京城捕館職甚縣物聽此事但付有司自有行遣 色悔久之别 散入大臣家捕同飲者公明日對曰夜来聞遣官連 近臣今西遣用兵有何限大事不為論列而同狀攻 排至列狀言王益柔作傲歌罪當誅公時在右府 兩府同對言益柔狂語何足深計較方平等皆陛 欲以進奏院事領正黨宰相章得象晏殊不可否 因

徙 火足四車全對 挺鎮定定州人用戎將治兵無法度至於驕不可使 軍門外士死攻圍膊賞其家恤其孙兒 至即用兵律裁之祭其横軍中尤不可教者将首斬 知鄆州京東素多盗捕盗之法以百日為三限限不 比折除過捕者有免刑之路故盜多獲朝廷著為 獲者抵罪盗未必得而被刑者衆公請獲他盗者聽 下法至今用之 王益柔其情亦可見上 傳家 宋名臣言行錄後集 上遂釋然剝 人繼衣廪思

定卒惡米陳下執籌不請公時為即聞之馳入倉羣卒 **熟為法赈之活飢人七百萬鄰城旁路刺取其法視** 録内地不售一百今雖陳下售猶不失四録適皆自 約十餘人皆持米前訴公曰米乃如此餘人皆退後 教習之由是定兵精勁齊一 出懷中米一裹曰琦亦請此朝廷置此米 r L 既信則做古兵法作方負銳三陣指授偏將 山隱然為雄鎮聲動屬中狀 號為可用冠河朔歲大 野約八 Q 月

とこり日かん 公自為相即與當時諸公同力 中書習舊與母事心用例五房史操例在手顧金錢惟 賞罰可否出宰相五房史不得高下於其間狀 為綱目類次之 意所去取所欲與白舉用之所不欲行或匿例不 下士所沒引多正直有名或忠厚可鎮風俗以公議 汝扇搖命 公令刑取五房例及刑房斷例除其冗緣不可用者 盡戮十卒於前公疑然不動 )封縢謹掌每用例必自閱自是人 宋名臣言行錄後集 一德謀議制作銓補天 軍股票遺 見 事

試舍人 禁以便東南之民議者以謂近於三代之仁義多公 便民者命諸路舉學行尤異為遣詣京師館於太學 治最者久其任以率吏課裁定令敕以省疑歡弛茶 為廣惠名以廣賬郔募耕唐氫廢田勘課農作守令 用之士莫知出何く 繼絕之義擇才臣詣四方寬恤民力籍戶絕田 人院差使授官立柴氏後為崇義公法春秋存 PF 嘉祐四年下祫享赦事る

割り

四人名言

女正 りを たき 仁宗春秋高繼嗣未立天下以為憂雖或有言者而去 帝弟之子定陶王為太子成帝中材常主猶能之 後宫一 惟陛下以太祖心為心則無不可矣仁宗感悟始以 陛下之明何難於此哉太祖為天下長慮澤流至今 臣莫敢為議首公數乘間伏奏乞選立太子上顾曰 英宗判宗正寺英宗力辭宦官官妾勢未便中以 孔光傳進對曰漢成帝立二十五年無繼嗣已議立 一欲就館卿母亟後誕育皆皇女公 宋名臣言行辞後集 一日挾

一重プロルカコー 危之公復啓曰陛下屬之以大任而不肯當盖其沉 愕曰此大事毋逐上顾曰朕意决矣曰誠如此敢 明堂大禮前正立為太子乃召樞密大臣諭其事或 生變故且名未正則尚得以辭名體一定父子之分 宗既為太子尚堅卧公又奏曰今既為陛下子何所 明則浮議亦不得復搖矣仁宗欣納曰如此則宜乘 遠詳重識處有以過人非有他也循豫不決招競隱 天下賀又召學士為詔書學士亦請對然後進葉英

仁宗嗣未立公請置內學教宗子建储之意默存其中 無下治丧人情肅然日至午市肆循有未知者公性 帝位宫門徐開追百官班宣遺制衛士坐甲諸司幕 后母道內助之力朝廷定議久矣臣子果何預馬於 始就與寧官會仁宗棄天下平旦入預大議英宗即 子定策事必正色曰此仁宗聖德神斷為天下計太 厚重未嘗名其功其門人親客或燕坐從容語及太 間哉願令官人就諭吉及本官族屬敦勘上 宋名臣吉行鋒後集 上如其請

反公上口下 公生了

+

金人でんるする 事係社稷陛下不可錯上曰此事與相公商量來昇 益切時有二宗子育宫中公謂二宗子陛下亦必自 事未及行仁宗倦勤勢漸與更不暇置內學每進對 罷即論太子天下本不可不豫立以係天下心語日 能見其乳聰明知否上以英宗為言公即將順乞降 聖吉劉子權判宗正司後兩府通無御割張昇太尉 見之懼深罪公何不與之素議及次日殿上大言此 下殿至中書又詰公公曰此甚入思慮來不錯昇退

英宗初為皇太子時允弼最尊屬心不平且有語國朝 遂循殿陸上公叱下曰大王人臣也不得無禮左右 甲士已至遂賀次召諸親王見六軍百官中外晏然 子者何不立尊行公曰先帝有詔名弼曰馬用宰相 時先獨召允弼入稱先帝晏駕太子即位大王當賀 **光弼曰皇子為誰曰某人光弼曰豈有團練使為天** 制度嗣天子即位先親王賀次六軍次見百官公是 公笑曰若素議豈不壞了事讀

次年四年 上号

宋名臣言行錄後集

十四

金りい 英宗即位已數月初掛服於極前哀未發而疾暴作 激惱官家且當服樂內人驚散公呼之徐徐方來遂 立莫知所措公函投杖於地直趨至前抱入簾曰 呼語言恐人所不可聞左右皆反走大臣輩駭愕 仍戒當時見者曰今日事惟某人見某人見外 韦 遺 知者復就位哭處之若無事然歐公歸以語所 上以授之曰皆須用心照管官家再三慰安以 人ノニー 誰

英宗初以驚疑得疾雖平而疑未解潜晦自居倘若疾 英宗遇貂瑞少恩禮左右不悅多道禁中隱密者雖 TELOPE ZILIO 勞公曰相公亦不易勝矣大王汝自勸及大王勸之 者面壁即不受樂餌公日率同僚自棒樂以進公俯 尤不顾也然須公強之而後服鍋 而怨告則或熟視而不言或取樂覆公之衣而不 曰韓公遇事真不可及疑別 公或跪於榻上者移時或拜於床下者數四太后每 末名臣言行肆後集 + 颀

銀分四月全世 有 事籬前亦屢以此為對自爾人情知公意不搖妄傳 語言者遂息慈壽一日送密礼與公有為孀婦作 臣亦心惑之公獨此然不動昌言於衆曰豈有前殿 之語仍勅中貴俟報公但曰領吉公以山陵有事呈 不曾差了 )晚臨後上殿諸公不預既見謂上曰官家不得驚 可報然既非天屬之親願加意承奉便自無事 文字進呈只是不可泄陛下今日皆太后力思 一語而一 7 入宫門得許多錯來琦深疑此

英宗既自外來又方寢疾不豫人情向在太后公應官 若泄則間遂開卒難合矣他日光獻對中 宗疾中語言起居狀繼而樞密院對語亦如前富弼 謂公曰適聞簏下說否弼不忍聞盖富意亦以太后 也追手書出富公愕然因此不悅家 令富公預聞後中書已得光獻古還政客院猶未 曰謹奉教公又云此文字臣不敢留幸宫中密焚之 **乙意為然而歸咎於英宗及公力勸太后徹簾不敢** 書泣訴英

化二甲基

宋名臣言行錄後集

;

十六

公潜察英廟已安而曹后未有還政意乃先建議英廟 管太后亦未安穏太后驚曰相公是何言語自家更 甄流汗既而 吴奎曰語不太過否公曰不得不如 此 是用心公即曰太后照管則衆人自照管同列為縮 外面不得見官家內中保護全在太后若官家失照 中有不測者 出祈雨使天下之人識官家上然之咨太后 日因對深以言動太后曰臣等只在

多分四月百十

曹后初未還政公力引古以動之云前世母后更聰明 とこり戸 とこう 是干古所未有請閱史書一一可見太后曰自家 者多莫不以固吞權位敗名德太后若脫然復辟則 敢望賢人公察其意田矣即連賛成之後數日批 太后怒曰獨不先禀此耶孩兒未安恐未能出公曰 仗未具公曰此小事朝廷頤吉即辨不數日素仗成 可以出矣后曰人主出不可以不備禮儀方處喪素 ||遂幸相國寺京師之疑巳解太后不久即選政 宋石臣言行錄後集 <u>+</u> 何

多坊四月全書 初曹后難於還政公說曰當别與太后議儀制此時 惜此邪並别 莫未否公曰已得親詔矣上遂釋然 疾甚時有不遜語后不樂大臣有不預立太子者陰 是豈好事公曰臣等亟以此誘之方肯放下陛下 進廢立之說惟宰相韓琦確然不變私政歐陽脩 云某日更不御殿公亟令捲簾徹坐乃往白上上 之類太后既允即以諷上上曰相公告崇與母后 衛警 国 何

進曰仁宗在位歲久德澤在人人所信服故一 所不客今母子之間而反不能忍邪后意稍和修復 婦人之性鮮不妬忌昔温成之寵太后處之裕然何 修乃進曰太后事仁宗數十年仁聖之德著於天 懼皆退數步獨琦不動曰太后不要胡思亂量少 懌曰皇親華皆笑太后欲於舊窩中尋兔兒聞者舊 助其議嘗奏事無前慈聖嗚咽流涕具道不逐狀琦 曰此病故爾病已必不爾子病母不容之乎慈聖不 ) السد لادر منها من من الله من الله E 退

飯定四庫全書 我無恩公曰自古聖帝明王不為少矣然獨稱舜為 太后默然久之而罷後數日獨見英宗帝曰太后待 婦人臣等五六措大爾非仁宗遗意天下誰肯聽從 后短矣熈寧中歐公退居額上問言及此曰古所 足道惟父母不慈而子不失孝乃可稱但恐陛下事 駕天下禀命奉戴嗣君無一 /未至爾父母豈有不慈者帝大悟自是不復言太 孝豈其餘皆不孝邪父母慈愛而子孝此常事不 人敢與同者令太后

英宗初立外六班有謀變者或言於公公曰事不成不 智不世出可與有為乃考尋中書祖宗御批得百餘 番俱關畧不全補級僅能識其字皆經國長等大策 過族耳吾不懼也既而卒無事英宗即政公以其勇 英宗一見之不覺避御座是時同列皆謂公有不言 社稷臣韓公近之龍川 如取太原伐江南伐犬戎付中書之類編成十餘軸 教萬乘事後上優公哭之動曰何事不可為别 たるを与り来矣!

'内都知任守忠者姦邪反覆間誤兩宮時司馬温公 **為書矣於政趙縣難之問歐公曰何如曰弟書之韓** 矣雕見 數之曰汝罪當死責斯州團練副使斯州安置取空 頭勅填之差使臣即日押行其意以為少緩則中 未施行宰相韓琦一 在諫院召諫議為侍御凡十餘章請誅之英宗雖悟 公必自有說公坐政事堂以頭子勾任守忠立廷下 日出空頭勅一 道然政歐公已

| 欽定匹庫全書

人正口匠 江山 治平 公臨大節處危疑苗利國家知無不為若湍水之赴 時大常少卿祝諮館伴既受命先見樞府已而見丞 記堂 家無處所殆非明哲之所尚公嘆曰為人臣者盡力 **壑無所忌憚或諫曰公所為如是豈惟身不自保恐** 以事具君死生以之願事之是非何如爾至於成敗 也豈可豫憂其不成遂報不為哉聞者愧服 夏國凡使至將以十事聞朝廷未知其何事也 宋名臣言行錄後集 亍 棋温 深

濮安懿王以英宗践作例當改封上 授命館伴不敢椒及邊事公笑曰豈有止主飲食 **踰大祥始詔兩制議其禮兩制謂當稱大國封皇** 事正中公所料夏人辣服燕 相公曰樞客何語曰樞府云岩使人議及十事弟 以基辭對辯某事則以基辭折及宴果及十事凡 及他語邪公乃徐料十事以授祝曰彼及某事 吾擬所生稱皇伯無經據又 封爵須下語名之則 上だ 詳謹不欲遽 石伯 跃 則

金分四月百十

治平三年上疾革二府問疾罷公奏曰陛下久不視朝 , / .. ) O met 2. 1. 1. 嘆其平 謂人曰此中書事皆共議何可獨罪歐陽公士大 攻中書不已尤指歐陽公諸公莫不避匿自解公獨 筆指揮上乃批曰立太王為皇太子公曰太王乃 **禾得其中方下三省再議英宗復詔罷之而臺諫官** 王也煩聖躬更親書之上又批於後云太王穎王某 外憂懼宜蚤建太子以安泉心上颔之公請上 直忠諒不肯推謗與人 宋名臣言行錄後集 丰二 颉 親

多分四月年 神宗既即位王陶自東宫入御史府為中丞意有所觖 定矣 辭於楊前者久之制下又設置東官官屬由是國本 望奏彈宰相不押常朝班朝廷以宰相日奏事垂拱 行之已數十年 退請文德殿押常朝班或已過辰正則御史臺放班 公曰欲乞只今晚宣麻上颔之時神宗在側間是命 一龍陶言職状 -為故事陶憤不勝乃肆詆誣ト

陶言公不押常朝班為跋扈帝遣近臣以陶言示公公 フノー・コーニー ハーー 公為相日會公為亞相趙康靖歐公為祭政凡事該政 德而措先帝於重不幸也顧深察之上欣然納馬家 帝為之動出陷知陳州關見 日上謂公近有欲以二大國封濮王者如何公曰先 奏曰臣非跋扈者陛下遣 親稱之邪此必黨濮議者欲求必勝殊不願上累聖 帝 遵守典禮不敢 爵父而陛下豈可爵祖又當以 木名臣言丁译发集 小黄門至則可縛臣矣 子二 何

到近四月全書 見謂制語太過使臣不得安外乞改之上不許讀 兩鎮除鎮安德勝等軍節有衮衣待還之 日忽宣諭已有恩命云亦不久在外虚席以待故除 清議不容如此豈敢安位上又流涕不語請益堅他 西廳至大事則自决之人以為得相體度 今則曰問集賢該典故則曰問東廳該文學則曰 一个个上即位 日又持四方士人見責不退書開陳以謂 日遂懇解位上 一流涕謂相公欲 語公復進 問

語復知相州仍今赴闕朝觀陛醉之日上 公自長安入 274.10 mm /14.5 事公因進言用人當辨邪正為治之本莫先於此上 陵谷楊忱 辭日上謂卿去誰可屬國者公引元老一 金陵何如公曰為翰林學士則有餘處此地則不 上又不答公便退後有問公何以識之公曰嘗讀金 曰侍中國之龜鑑朕敢不從嫁 人戴朝廷欲留之公陰知時事遂堅請相 ) 書窺其心術只為一身不為天下以 **木名臣言行肆後集** 一從容訪問政 干三 問

超好四月全世 公自永興過關神宗問曰卿與王安石議論不同何 時仁宗曰少俟後宮有就閣者公曰後宫生子所立 故也帝以公之語問荆公公曰方仁宗欲立先帝 嗣退居舊邸可也盖公有以處之矣然荆公當英宗 所以與琦異也荆公強辯類此公請冊英宗為皇嗣 太子時春秋未髙萬一有子措先帝於何地臣之論 非宰相器遺 曰仁宗立先帝為皇嗣時安石有異議與臣不 [i]

**飲定四車全書 欺眉聖聽下以愚弄天下之人將使無復敢言其非 劉子頒行天下公再奏曰臣詳制置司疏駁事件** 說為阻難及引周禮國服為息之說文其緣妄上 將臣元奏要切之語多從刑去唯舉大概用偏辭曲 法條例司疏難頒下及令進奏官指揮本院將中 判大名時朝廷行青苗法衆議謂非便臺諫官及言 者皆以罪斥中外無復敢言者公慨然上疏乞罷其 世優的不至實自慊也聞見 宋召臣言行錄後集 京四 即

揭而書之以待不時而買者買者各從其抵鄭聚釋 者臣不勝痛憤至再有辨列按周禮泉府掌以市 也臣謂周制民有貨在市而無人買或有積數而妨 征布斂市之不售貨之滞於民用者以其價買之 者則以官原買價與之此所謂王道也經又云凡縣 民用者則官以時價買之書其物價示民若有急求 者祭祀無過旬日喪紀無過三月鄭衆釋云赊貰也 云書其價揭着其物也不時買者謂急求也抵故 物

欠に日日日 八年 都甘無過十 園廛二十而稅一近郊十一 受園屋之田而貨萬泉者則期出息五百臣謂周禮 使民弗利以其所賈之國所出為息也此所謂王道 服為之息鄭衆釋云貸者謂從官借本價也故有息 也而鄭康成云以其於國服事之稅為息也於國事 不取利也經又云凡民之贷與其有司辨授之以國 以祭祀丧紀故從官貰買物唐賈公彦疏云縣與民 唯其添林之征二十有五鄭康成盖 宋名臣言行歸後集 一遠郊二十而三甸稍縣 Ī

貸方出息二千五百也然當時未必如此也今放青 近之地歲今出息四千也周禮至遠之地止出息二 苗錢凡春貸十千半年之內便令納利二千秋再放 遠郊二十而三者萬錢春出息一千五百旬稍縣都 十千至年終又令納利二千則是貸萬錢者不問逐 之民萬錢春出息二千臣謂如此則須漆林之戶取 五百公彦因而解謂近郊十一者萬錢春出息一千 約此法謂從官貸錢若受園歷之地貸萬錢者出息

重员 巴尼 有電

ア・ショウ シネラー 官中借物限旬日三月還官而不取其利制置司何 禮貸民取息立定分數已不為多亦是敗罔上聽且 禮所在有不可施於今者其事非一若謂泉府一 謂天下之人皆不能辨也且今古異制貴於便時周 今可施行則上言以官錢買在市不售及民間積滯 不將此周公太平已試之法盡申明而行之豈可獨 千今青苗取利尚過周禮一倍則制置司所言比 之貨候民急求則依原買價與之民有祭祀喪紀就 宋名臣占行禄後集 产

政趙抃等對上論欲罷之意抃乃曰此主於安石七 得公疏意已大悟亟欲寢罷王安石引疾在告唯祭 朝廷亦當聽納自古執政若與藩臣生間隙至有舉 幾御史中丞吕公著亦言青苗非便安石欲點之上 更俟安石出議之安石既出執之益堅聞者情之 舉注疏貸錢取息之利事以紙天下之公言哉上始 曰須別坐事令出既而又曰公著言韓琦近有章疏 晉陽之甲以逐君側之惡者安石遽曰只此可逐矣

副员四月全章

Ė

初法下曰琦舊臣也義不敢點及不聽晚官屬巫奉行 知楊州王荆公初及第為簽判每讀書至達旦略假 覺聞之曰此言覺嘗奏之今貶公者誤也公既以言 **忤權臣又公著告詞明坐所因公益恐悚遂以疾** 停家 知徐州章四上神宗遣内侍李舜舉慰諭之 坐誣大 郡守也其敢不如令於 八臣欲舉晉陽之甲罷知茶州諫官孫

ファーリー シェー

本名臣言行錄後集

デモ

自棄制公不答退而言曰韓公非知我者魏公後 靈畅循不忘少年之語也解見 寐日己高急上 短魏公為多每曰韓公但形相好耳作盡虎圖以詆 其賢欲收之門下荆公終不屈故荆公熈寧日錄中 夜飲放逐一 公竟荆公挽詩云幕府少年今白髮傷心無路送 具宗嘗獵於大名之郊題詩數 日從容調判公曰君少年母發書不可 ·府多不及盥漱魏公見荆公少年疑 一篇實魏公時

弱坑 心样全書

公口御軍自有中道嚴固不可愛亦不可若當其罪雖 くこうう 公路公俱嘗鎮北門親公時朝城令决 方二下椒悖罵不已令以解府魏公使前問云汝罵 飯上方銳意四夷事不當更導之耳剝 於石公留守日以其詩藏於班瑞殿之壁既成客有 日謀百人何害人自不怨遺 喻公意韓絳来遂進之公聞之嘆曰昔豈不知進 勸公摹本以進者公曰修之則已安用進為客亦莫 たいたう **聚名臣言行錄发集** 守把兵 那

|多好四月全世 公所魅大潘皆有遗使戎狄尤畏公名凡使契丹及來 術之妙亦天資之島爾元城 斬從容平和畧不變色潞公時復有解一卒猶前者 長官信否對曰當時乘忽實有之公即於解狀判 使者必問韓侍中安否今何在其子忠彦使慕好 潞公震怒問之兵對如實公亦判處斬以此見二 之量不同如魏公則彼自犯法吾何怒之有不惟學 主問左右孰屢使南朝識韓侍中觀忠彦貎類父否

熙寧七年春契丹遣汎使蕭禧來言代北對境有侵地 忠彦北門為聘使道舊與京尹書皆押字不名及公 或對曰頗類命畫工圖之而去館伴王與功遽以告 請遣使分畫帝遣中使賜富弼韓琦文彦博曾公亮 中境無多需索也狀 留守則名於書其副使成禹錫仍喻來介曰以侍中 手韶問以計策公疏曰臣觀近年以來朝廷舉事則 在此故特名每南來涉臨清界即戒其下曰此韓 į /...i 下台至言 了罪发表

長未當為邊患而強取其地建照河一 初無損益而契丹謂以圖我一 契丹於朝廷久絕朝貢乃因商舶招諭而來於國家 應之之術如何爾其所致廣之疑者七事高麗臣屬 南之意故造此靈端屢遣使以争理地界為名觀我 地勢高仰不可為溏樂向聞遣使部兵徧置榆柳 似不以大敵為恤虜人見形生疑必謂我有圖復無 以數萬計契丹聞之當謂行將及我二也遛近四山 也吐蕃部族不相君 路戕其老

一致定四件全書

反正四年全 费财殫力先自困弊六也置河北三十七将各專軍 **謀者也今横使再至初示偃蹇以探伺朝廷况代** 檢視器械五也創都作院頒降弓刀新様大作戰車 政州縣不得關預聲言出征又深見可疑之形七 得增數之虚名四也河外城池工築並與增置守具 图保甲一 制虜騎三也義勇民兵將校甚整教習益精而忽創 夫契丹素為敵國因疑起事不得不然亦其善自為 道紛然義勇人十去其七破可用之成法 宋名臣言行錄後集 宇

金りで人 容誅臣當竊計始為陛下謀者必曰自祖宗以來因 唐之故雖然後制作禮樂以文太平故散青苗錢為 陛下之明幾及大戮自此聞新法日下實避嫌疑 卒類盟好臣告曾言青苗錢事而言者軟肆厚誣 循的簡治國之本當先富強則可以鞭笞四夷盡復 敢論列今親被詔問事係國家安危言及而隱罪不 初與雄州素有定界若優容而與之虜情無厭浸淫 不許虜遂持此以為已直縱未大舉勢必漸擾諸邊 非

たこりに 兵深入 哀特外恃驕慢爾以陛下神聖文武若擇將臣領大 困搖眾心離怨此則陛下始謀者大誤也又好進 今農怨於此畝商旅嘆於道路官吏不安其職恐陛 無常官吏違者坐徙不以赦降監司督責以刻為明 免役法次第取錢又內外置市易務新制日下更改 下不盡知也夫從攘斥四夷以與太平而先使邦 不願利害但得過事將作富貴可圖必曰虜勢口 · 廣境則幽無之地 とよう 宋名臣言行縣後集 舉可復此又未之思也 丰二

電気で人人で 来與作乃修備之常與北朝通好之久自古所無豈 敵雖曹彬米信名德宿將循以此致歧溝之敗也臣 占之地不可持此造端版累世之好如将官之 有他意且雖土素定當如舊界請命過吏退近者侵 今為陛下計謂宜遣使報聘優致禮幣具言朝廷向 經訓練若驅重兵頓於堅城之下粮道不繼腹背受 而罷去以釋虜疑萬一 河朔累歲災傷民力大乏將官產勇寡謀保甲 聴命則可以遷延歲月陛 /類因

次定四車全書 人 亂荆公之罪可勝言哉聞見 圖命天章閣待制韓鎮奉使舉與之盖東西棄地 時荆公再入相曰將欲取之必姑與之也以筆畫其 快天人之心雪祖宗之愤矣富文曾皆舉不與之論 **忱服追備日充虜果敗盟然後一** 益養民党力選賢任能缺遠奸諛進用忠鯁使天 百里云祖宗故地荆公輕以昇鄰國又建以與為取 之論至後世姦臣以伐燕為神宗遺意卒致天下之 宋名臣言行錄後集 振威勢恢復故 Ī 噩

初為館職所與遊者皆一時英俊石曼卿氣豪邁多戲 中習宰相氣度耶公和顏謝之及公為樞副石介有 中閥武卷如不闡拱辰忍不助己請公室謂公曰此 定基同發解開封府舉人二公時有爭喧公安坐幕 侮同含獨見公不敢少慢但時呼為韓家盖當時 自在館閣已有重望於天下與同館王拱辰御史蕭 井小民几所畏尊官則呼厥姓曰某家故石效此語 慶歷盛德頌曰予早識琦琦有奇骨可屬大事敦厚 市

反正印起公馬 公既解相印王丞相曰為古人所未嘗任大臣所不敢 公惟務容小人善惡白黑不大分故小人忌之亦少 范富歐尹嘗欲分君子小人故小人忌怨日至朋黨 力也遺 亦起方諸公斥逐獨公安馬後扶持諸公復起皆公 社稷之臣矣天下傳之以為知言緣 如勃後為相歐陽水叔作畫錦堂記曰臨大節處 **县紳正笏不動聲色而措天下於泰山之安可謂** 宋名臣言行縣後集 丰트

金りで人ろう 公為相作久旱喜雨詩斷句云須史慰滿三農望收斂 龍寒人 特全义作喜雪詩云危石盖深鹽虎重老枝聳重玉 常謂保初節易保晚節難故晚節事事尤著力所立 神功寂似無人 陽有詩云不羞老圃秋容淡且看寒花晚節香公居 兩全該議自止過周公遠矣於 一下以為名言歐公亦曰進退之際從容有餘德業 八謂公身雖在外自任以天下之重如此 人謂此真做出宰相事業也在北門重 ]遗

公雖在 -/- 17.... /. L. 、 嘗謂大臣以李固杜喬為本其弊循恐名 曰琦平 **忌國家或有時聞更祖宗** 云臨事若慮得是劉定脚做更不移成敗則任他 泣血終日不食剝 成務 死皆偶成實天扶持非琦所能也同 ,然其心常係社稷至身老而心益爲雖病 生仗孤忠以進每遇 **联的艺言了绿发集** 大事即以死白處幸 12.451 紀綱則

公論君子小人 公言慶歷中與希文彦國同在西府上 錄並 別 别下殿不失和氣如未當争也當時相善三人 若以胡趙自處弊可知也並遗 推車子蓋其心主於車可行而已 を 接耳凡人至於小 Ţ 除當以該待之但知其小 人欺已處公露其明以破之 事 1 编 11 一前争事議論 未當形色 當淺與

孫和甫奉使虜中過魏請教於公公曰勿以為夷狄 公在大名日有人獻玉盏二隻云耕者入 公因論進退曰處去就之難者不可猛而有迹 ハー・ファー ファート 裏無纖瑕可指亦絕實也每開宴召客特設 在魏府僚屬路拯者就案呈有司事而狀尾忘書名 鄙游之甚善 公即以袖覆之仰首與語稍稍潜卷以授之並别 錦衣置盛其上 长台至言丁课发作 日召漕使且將用之酌酒勸座 , 壞塚而得表 Ė 棹 而

公帥定州時夜作書令一侍兵持燭侍兵旁視燭燃 厚不已遊 俄顾吏曰汝誤也非故也何罪之有坐客皆嘆公寛 鬚公遠以袖摩之而作書如故少項田視則已易其 客俄為一吏誤觸倒玉蓋俱碎坐客皆愕然吏且伏 罪公神色不動笑謂座客曰凡物之成毀亦自有數 **买軍中感服剝** 人矣公恐主吏鞭之亟呼視之曰勿易渠已解把燭 Ţ

**郵定匹库全書** 

公安貌英特美熊縣骨骼清聲眉目森秀圖繪傳天 公在相位所進用人惟以公議所在凡薦引於上前未 父正の声という 有問公郭 嘗椒漏其語間因上有宣論或同僚談說人 雲雨藏匿實怪盖自然也於 得專須還他主上若用人是則將順非則開陳何 俥 以謂髙山大岳望之氣象雄傑而包育微細畜泄 達衆人皆謂出公力 曰用人等事非人 宋名臣言行錄後集 圭 始開シ 臣 所 調

金月四月有量 公平日與進人才極博至心許者不過 公元勲盛德如此聞人 公論時望諸公皆不以經綸許之 伏 琦力始英宗欲都質在西府公謂質固得但二府 沉吟久之曰如此則用郭達粗勝質遂然之 渞 與人長心人 經邦 旦居此論議紛然而去愛之適所以害之英宗 熙卒主之恐反使不安如狄青為中外 短而用シ ?謂太濫其實胸中不啻黑白 小善則曰琦不及也剝 /謂才器須周可當 人多見 )遗 事 其 所 論 12

公論近世宰相獨許裴晉公本朝惟師服王沂公又嘗 愛之其服則 臨大事全是威何如曰待威而後濟者亦是也然不 立事耶古人謂鵰鴞百鳥望而畏之驚鳳百鳥望而 言也不知摘晉公何事或問威克厥愛允 面入產 須以威而能濟者觀公意豈以德不足者必待威 云岩晉公點檢着亦有未盡處君子成人之美不 細乃經綸事業今皆可當一 其品相遠矣遺 一面才也 |添如路公 遗 事

尼三日日 公子

宋名臣言行錄後集

手し

超分 四月全書 公嘗言仁廟議配享清議皆與沂公而不與中公誠意 數者論其人則天下信之以為賢相申公以進賢自 歸之來公未必盡出來公也聞一 身養誠意不可不謹又曰沂公為相論其事則無可 任恩歸於已時士皆出其籠絡獨歐范尹旋收旋失 公未必盡出晉公也盖天下之善惡爭歸馬人 ·終不受其籠絡遺 可欺如此又曰頃時丁冠立朝聞天下 不善事必歸之晉 一善言皆

欠にり事を時 趙君錫被召別公請教公曰平日之學正為今日若不 一吴長文子璟素以堅挺有節縣稱公亦稱之 規模小 敗皆如其言 錯餘不錯矣 闕門下有以璟為言者公曰此人氣雖壯然包蓄不 深發必暴且不中節當以此敗置而不言不踰年璟 宋名臣言行錄後集 及幕府有

或問君實晦叔天下屬望他日大用當何如公曰才偏

錢明逸久 錄别 備兩府耳 優薦歐陽公而に 敢望韓公韓公地位别彦博則有些應材蒙朝廷 公在西府人有以公進退諷潞公者潞公曰彦博豈 聞之 日謂成大事 語人 **父在禁林不合意出為秦州居常** 曰已雖不 煩與路公自知之明並遺 在膽未嘗以膽許 - 宗不用他日復薦之曰韓愈去 不欲獨不思所部百萬生 往往自許也 **三靈** 事

金刀 四月 人工

とこりほという 公晚與水叔相知而相親最深水叔深服公之德量嘗 惜不 於唐而談者至今以為謗歐陽修今之韓愈也而陛 名士天下望以為相而竟不用使愈為之未必有補 文中子為可取中書相會累年未嘗與之言及也 曰累百歐陽修何敢望韓公公曰永叔相知無他琦 以誠而已公知永叔不以繋辭為孔氏書叉多不以 下不用臣恐後之談者誇必及國不特臣也陛下 武之以曉天下後世也上從之談 米名臣言行肆後集 卖 錄別

石守道作慶歷詩忠邪太明白公與范公適自陝西來 石守道編三朝聖政錄將上一 朝道中得之范公拊股謂公曰為此怪児董壞了 為而殺之彼何罪使其復有嬖将不勝其殺矣遂去 酣寢剌殺之公曰此豈可為萬世法已溺之乃惡其 此等數事守道服其清識遊 曰天下事不可如此如此心壞剝 太祖惑一 官襲視朝晏羣臣有言太祖寤何 日求質於公公指數事

郵玩四月全書

公嘗謂忠義之心人皆有之惟其執之不固勉之不力 公嘗從容議及養兵事慨然曰琦有所思而得之未 公言始學行已當如金王不受微塵之污方是及其成 語人人亦未必信養兵雖非古然積習既久不可廢 是以不及於古人 德有所受亦有所不害者不然無容矣 父子兄弟有生離死別之苦議者但以不如漢唐調 /又自有利處不為不深昔者發百姓戌邊無虚歲 並遺

火に日日上上

宋名臣言行錄後集

四十

一重りに上 公謂處事不可有心有心則不自然不自然則擾太原 習戰陣而豪壯可使安得與農民同日道也剝 稅良厚而終身保骨肉相聚之樂此豈小事又其練 此後世既收拾強悍無賴者養之以為兵民民雖飲 心處之下 兵於民獨不見杜甫石壕吏一 人情自得亦可寓兵備於其間後宋相繼政頗著 風喜射故民間有弓箭社琦在太原不禁亦不 イコード 令籍為部伍仍須用角弓太原人質素用 本 篇調兵於民其弊 嫗

こうう 居陶鎔之地宜法造化 颜魯公書而加以遒健自成 本弓自此有賣牛買弓者人 公孺公夫人 事遗 狀行 之弟也公執政用监司 **ド与豆子丁聚是晨** 化者以蛇虎害 則曰 145

宋名臣言行錄後集卷一字に經過	論韓親公范文正公皆是天資不由講學并察如魏公可學否曰魏公是間氣家蘇	或問伊川量可學否曰可學進則識進識進則量進曰為民害可乎公嚴憚之即	多定四年全書一人 一数一十二十五日
----------------	----------------------------------	---------------------------------	-------------------

宋名臣言行錄後集卷二

欽定四庫全書 史部

詳校官檢討 臣羅國俊 刑部即中日并北棒覆勘

校對官主簿臣汪日賛 謄録監生臣張 鴻仁

總校官進士臣緣

琪

をとり見 宋名臣言行緣後集 纂集 当

實元初元昊反公時通 士無如富獨者即議婚公遂以賢良方正為第聞 后廢范仲淹争之貶知睦州公上言朝廷 文正文正曰公女若嫁官人則仲淹不敢知必求國 以未嘗為此學文正曰已同諸公薦君矣久為君闢 室皆大科文字可往就館時晏元獻為相求婚於 過縱不能復后宜還仲淹以來忠言蘇內翰 回有肯以大科取士可或還公還京師見文正辭 事且言元昊遣使 舉而獲 棋 見

金以でたる

たううえ 知諫院康定元年日食正旦公言請罷燕撤樂雖虜 言仁宗悔之 求割地邀金幣使者部從儀物如契丹而詞甚倨 虜主行之為朝廷羞後使虜還者云虜中 在館亦宜就賜飲食而已執政以為不可公曰萬 為樞密乎議者以為有宰相器 必元昊腹心謀臣自請行者宜出其不意斬之都 又言夏守杉庸人 · L. 八平時循不當用而沉艱難之 宋名臣言行錄後集 際

**敏定四库全書** 夏守彬為陝西都總管又以宦者王守忠為都鈴轄 自用兵以來吏民上書者甚眾初不省用公言知制 言用守彬已為天下笑而守忠鈴轄乃與唐中官監 将敗心狀執政惡之命遠郡禁民擅赴闕者公言此 非陛下意宰相惡上知四方有敗爾民有急不得訴 軍無罪遂治罷守忠 之朝則西走元昊北走契丹矣 冠鄜延延州民二 (計闕告急上召問具得諸

へいしりいろ いたう 事耳非畏奪權也會西夏首領來降補借奉職點置 荆湖公言二人之降其家已族矣當厚赏以勸來者 院事宰相解曰恐樞密院謂臣奪權公曰此宰相避 事請使宰相無領樞密院仁宗曰軍國之務當盡歸 之宰相偷安欲以天下是非盡付他人又引國初故 ,命以所言送中書公見宰相論之宰相初不知也 書樞密非古官然未欲處發即的中書同議樞密 書屬官可選一 人置局中書考其所言可用用 宋名臣言行錄後集

部定四年全書 劉從愿妻遂國夫人者王蒙正女也實元中出入內廷 寢唐制惟給事中得封還記書中 或云得幸於上 盖自公始安道見吕申公公猶以非舊典不樂 **謁久之得復〉** 言以宰相無樞密使 公時知制語制下復遂國之封公繳還詞頭封命遂 公嘆曰此豈小事而宰相不知邪更極論之上從 |外人無不知者以此獲罪奪封罷朝 張安道為陳官再以疏論列皆中 松神道碑 書舍人 鄉還詞頭

契丹自晉朝以來踐有幽薊北鄙ン 策自是復通好不 宗命宮 懋三年 教其主設詞以動我欲得晉高祖所與關南十 ) 决契丹之臣又貪而喜功者以我為怯且厭兵派 不相喜皆此類龍 有九年至景徳元年舉國來冠上 聚重兵也境上 相擇報聘者時敵情叵測羣臣皆莫敢行字 一盗遇者三十 下 台至 三丁杂发素 n一造其臣蕭英劉六行來聘 九年及元昊叛兵 一用冠準親征 7 十縣慶

1 以間上命中丞賈昌朝館伴不許割地而許增歲幣 者告公且曰可從從之不可從更以 與語不以夷狄待之英等遂去左右密以其主所殺 拜今中使至而公不起見何邪英矍然起拜公開懷 英托足疾不拜公曰吾嘗使北病即車中聞命軟起 |命公報聘見北主北主曰南朝違約塞鴈門增塘 以公名聞乃以 治城池籍民兵此何意也羣臣請舉兵而南寡 公接件 英等入境 事塞之公 遣中 具

獨克雖敢獲金帛充物諸臣之家而壮士徒馬物 亂神人棄之是時中國俠小上下離叛故契丹全 諸臣争割用兵者此皆其身謀非國計也北主驚曰 得脱者且北朝與中 何謂也公曰晉禹祖欺天叛君而求助於北末帝 無所獲若用兵則利歸臣下而人 **总章聖皇帝之德乎澶淵之役若從諸将言北兵無** 以謂不若遣使求地求而不獲舉兵未晚公曰北朝 國通好則人主專其利而臣 (主任其禍故北朝 師

**敏定 匹庫全書** 勝乎曰不能公曰就使其勝所亡士馬羣臣當之 亦人 **情民兵亦售籍特補其缺爾非違約也晉馬祖以盧** 何承矩事在通好前地半水聚不得不增城壘皆 肯久之公又曰塞雁門者以備元昊也增塘水始於 得止奉使者歲 百萬計法令修明上下 半此誰任其禍者今中國提封萬里所在精兵 (主當之歟若通好不絕歲幣盡歸人主臣下所 卷二十五年每個月 (爾摩臣何利馬非主大悟首 心北朝欲用兵能保其必 败 修

2 ... 10 mot 1.1.5 福過不 皇帝之命使臣則有詞矣曰朕為祖宗守國必不敢 用兵乎澶淵之盟天地甩神實臨之 地故多殺兩朝赤子故屈已增幣以代賦入若北朝 欲得地是志在敗盟假此為詞耳朕亦安得獨避 以其地與人比朝所欲不過利其租稅兩朕不欲 九十年若各欲求異代 道路契丹周世宗復伐取關南 在朕天地児神豈可欺也哉敵 **秋白臣言行孫後** ~故地豈北朝之 今北朝首發兵 利哉本朝

超分 四月 全電 若歲幣無窮之獲哉非主曰卿且歸矣再來當擇 受之卿其遂以誓書來公歸復命再聘受書及口傳 而行既至乃不復求婚專欲增幣曰南朝遗我書當 見國書萬一書詞與口傳者異則吾事敗矣發書視 之辭於政府既行次樂毒謂其副曰吾為使者而 求婚公曰婚姻易生隙人命脩短不可知不若嚴幣 之坚久也本朝長公主之出降赍送不過十萬稱豈 果不同乃馳還都以明入見宿學士院 夕易書

哉若不得已而至於用兵則南北敵國當以任直為 勝負非使臣之所憂也北主曰卿勿固執古己有之公 愛南北之民不忍使蹈鋒翰故屈已增幣何名為懼 事哉公聲色俱屬敵知不可奪曰吾當自遣人 獻納則不可知其後頡利為唐太宗所擒豈復有此 曰自古惟唐髙祖借兵於突厥故臣事之當時或稱 此二字若我擁兵而南得無悔乎公曰本朝皇帝無 曰獻否則曰納公争不可北 主曰南朝既懼我何惜

**銀定匹庫全書** 再使以國書與口傳之詞不同馳還奏曰政府故為 契丹平契丹君臣至今誦其語守其約不忍敗者以 折矣可勿復許彼無能為也上從之增幣二十萬與 國誓書來且求為獻納公奏曰臣既以死拒之敵氣 其心知通好用兵利害之所在也神道 於是留所許增幣誓書復使耶律仁先及六符以 此欲置臣於死臣死不足惜奈國事何品夷簡争 口恐是誤當令改定公益辨論不平 以中日言行為 後日 仁宗問樞使晏 其

欠日の事を時 公力争献納二字及還而晏公己 公糾察在京刑獄時有用偽牒為僧者事覺乃堂吏為 録開 見 殊姦邪黨夷簡以欺陛下公晏之 政指其坐曰公即居此無為近名公正色曰必得吏 開封按餘人 何如殊曰夷簡决不肯為此誠恐誤爾公怒曰 止執政滋不悅故薦公使契丹欲因事罪之 人而不及吏公白執政請以吏付徴執 宋名臣言行錄後集 一稱約矣温公 人将也其忠直如 鋖 歐

| | | | | | | | 金りでかんといる 死争 爾神道 亂人意爾尋遷翰林學士公見上力辭曰增幣非 部郎中樞密直學士解不受始受命聞 禀命者常以状白公公批數字於紙尾莫不 命聞 本志也特以朝廷方討元昊未暇與敵角故不敢 一書引顏會公使李希烈事留公不報事還除 公罷相鎮亳常深居養疾空 男生皆不顧而行得家書不發而焚之曰徒 ŧ. 出視事幕府事 女卒再受 小盡其 臣 湏

とこりに こう |拱辰言於仁宗曰富弼亦何功之有但能添金帛 或事 生民爾財物非所惜也拱辰曰財物豈不出於生 數厚夷狄而弊中國爾仁宗曰不然朕所受者土字 **謀尊中國及總大政視天下事若不足為者矧退處** 者退而數服以為不可及公早使強敵以片言折狂 郡平 有難决幕府愛疑不能措手者相與求見公公 言裁處徐語他事幕府晚然率常失其所疑 燕澠 談水 宋名臣言行縣後集

慶歷三年三月命公為樞密副使辭愈力至七月申前 取也拱辰曰敵情無厭好窺中國之隙且陛下只有 命公言敵既通好議者便謂無事邊備逃弛敵萬 利社稷朕亦何愛一 狄亦未至困民若兵與調發崴出不貲非若今之緩 **邪仁宗曰國家經費取之非** 下屈已爱民如此堯舜之主也洒泣再拜而去筆 欲求和親則如之何仁宗憫然動色曰尚 女那拱辰言蹇遽回臣不 日之積歲出以賜

重月

四人 公司

友臣马草 上 成於公與仲淹數以手記督公等條具其事又 杜行樞密韓琦與公副之歐余王蔡為諫官皆天 班乃坐且使宰相章得象諭公曰此朝廷特命非以 而龍通月復以命公時元昊使辭上俟公級樞密院 輕侮中原之恥坐薪嘗膽不忘修政因以告納上前 敗盟臣死且有罪非獨臣不敢受亦願陛下思外 之望石介作詩以美之公既以社稷自任而仁宗责 北故也公不得已乃受時晏殊為相范仲淹然政 宋名臣言行錄後集

金りい方 元昊遣使以書來稱男而不稱臣公言契丹臣元昊而 章閣召公等坐且給筆札書其所欲為者遣中使更 我不臣則契丹為無敵於天下不可許乃却其使卒 往督之且命仲淹主西事公主北事公遂與仲淹各 臣之七月契丹來告舉兵討元昊十二月詔冊元昊 司之不才者使澄汰所部吏於是小人始不悅矣 以進賢退不肖止僥倖去宿弊為本欲稍易諸路監 「當世之務十餘條又自上河北安邉十三策大畧 ノニア

初 とこりらしよう 部豐稔者三州勸民出票得十五萬舒益以官原隨 見除知鄆州自鄆移青會河朔大水民流京東擇所 偽作介為殉撰廢立詔草雅語上聞雖不信而公懼 石介作詩譽公等而該竦竦怨之會介以書遺公責 不自安因保州城平求出宣撫河北歸及國門不得 至而行則事自我出既至則恩歸契丹矣從之 為夏國主使將行而止之以俟虜使公曰若虜使未 伊周之事竦遂教女奴習介書改伊周為伊霍 本名臣言行孫後 Ĺ

多分四月全書 聽流民取之其主不得禁官吏皆書其勞約為奏請 受粮而歸凡活五十萬募而為兵又萬餘 謂之叢家自為文祭之明年麥大熟流民各以遠近 使他日得以次受賞於朝率五日報遣人以酒肉糗 選老弱指齊者麇之山林河泊之利有可取為生者 所在貯之得公私廬舍十餘萬間散處其人 飯勞之出於至誠人 水官吏自前資待闕寄居者皆給其禄使即民所聚 人為盡力流民死者大塚築之 人以便新 邵神道

至和二 邵伯温曰公使虜功甚偉 というりたいか 相慶於朝仁 四考矣 活飢民四十餘萬則每自言之曰過於作中 相者或得之夢上 相議欲稍由學校進士命 年召拜集賢相與文彦博並命宣制之日士 也哉修頓首稱賀神道 1宗密現得知之謂侍臣歐陽修曰古之 宋行臣言行 錄後集 **今朕用二** 而每不自以為功至知青州 相 八情如此豈不

至和間公當國立一 一起以口母 有量 學諸生經明行修者由右學升左學由左學升, 進士段希元魏升平 無同列奏獨翰林歐陽永叔舍人劉原父異論曰 則通經者未升於左學而詞賦者已 八行家塾 舍中經行尤高者比及第人命之以官既 十推思之 法盖公與河

くこうう 公與魏公同在中書公母老矣 公為相守格法行故事而附以 言之次不當起魏 朝廷屢詔起之 省刑狱天下便之碑 官任職天 分道相視裁減謂之 (復視事者魏公曰此非朝廷盛事已而公居母憂 1.4. 、下無事以所在民力困弊稅役 公嘆回吾但以實言之 /夏恤民力又 弛茶禁以通商賈 末名臣言行肆羧集 一辭貼黃言臣在中 公議無心於其間故 日語及故事宰相有 百

超5四月全書 英宗以疾不能視朝大臣請光獻垂為后辭之不獲 簾后猶未轉御屏尚見其衣也時公為樞密相怪魏 疏請太后早復政后聞之還起魏公亟令儀鑾司撤 怨自此二 所以為此舉者忘仁宗累主上欺韓公爾公因辭執 從英宗總康復后已下手書復辟魏公奏臺諫有章 公為緣政首議追尊濮王公曰歐公讀書知禮法 不關報撤厲事有魏公欲致弼於滅族之地之 稍稍有隙龍 n語

宗所望於陛下哉以笏指御床曰非陛下有孝德孰 自此與魏公歐公絕後公致政居洛每歲生日魏公 可居此英宗俯躬曰不敢公求去益坠遂出判河陽 奎等曰無夫婦人無所告至不忍聞臣實痛之豈仁 不論遠近必遣使致書幣甚恭公但答以老病無書 '立陛下皇太后之功 也今皇太后謂臣與胡宿吴 例遷官疏言甚危三日不報見英宗面奏曰仁宗 )禮終不廢至薨乃巳天下兩賢之

東王四年全等

宋名臣言行錄後集

中

英宗 臣以謝天下英宗為之霽色温言公進說猶久之不 為常事除目也必以臣等有大過惡可必者何不該 以伐四夷否则陳斧鉞以誅大臣今日陛下之怒不 魏公絕至此於弔不通非也 公慨然搢笏拾除目進之曰天子亦有怒馬出九師 之 费也公皆不祭吊國史著公以不預策立英宗 公奏議序 日因公進除目而震怒響滿一 卷二 殿鄉除目榻

欠氏の下亡時 英宗臨御 公懇辭機務章二十上以使相判河陽復五上章辭使 始不從 使相至不稱職者亦然今陛下初即位願立法自臣 韓即長安為范克夫言其事曰琦便怕富公也後錄氏 政欲自為地故開此例終仁宗之位宰相罷者皆除 曰先帝以神器付陛下此章何功可書韓有恨色後 相且言真宗以前不輕以此授人仁宗即位之初執 日韓公進擬數臣者策立有勞當遷官 宋名臣言行錄後集 人

久旱公乞罷同天節上毒從之即日而雨公又上疏願 神宗即位召赴闞公既至未見有於上前言災異皆 金りいんと言 施其力此治亂之機也吾不可以不速救即上書數 進邪說先導上以無所畏使輔拂諫争之臣無所復 若不畏天何事不可為去亂也無幾矣此必奸臣欲 數非人事得失所致者公開之嘆曰人君所畏惟天 决不然者 十言雜引洪範春秋及古今傳記人情物理以明: 卷二

熈寧初公再相神宗首問邊事公曰陛下臨御未久臣 之已日年 /注 事若干戈一與上貽宸應下竭民力願勿首先留意 益畏天戒遠奸邪進忠良上親答曰義忠言親理正 過事萬一 愚以為首當推恩愛布德澤二十年未可道着用兵 志則天災不難弭太平不難致也公既謝且云願陛 文直敢不置之枕席銘諸肺腑更願公不替今日之 下待庫臣不以同異為喜怒不以喜怒為用含雖 一戎狄渝盟神人共憤為應敵之計可也上 **宋名臣言行錄後集** ナ六

**揾交趾逵老将與卨議論不同為交趾扼富良江兵** 靈夏結馬麗以圖大遼又用章惇取湖北變峽之蠻 問所先當如何公曰阜安宇內為先盖是時荆公 趾侦知先浮海載兵脂庶州又破邕州害守臣蘇緘 有寵勸帝用兵以威四夷於是用王韶取熈河以窥 屠其城掠生口而去又用郭達趙島宣撫廣南使直 得進瘴死者十餘萬人元豐四年五路大進兵取 用劉桑沈起窺交趾二人造戰艦於富良江上交 卷二

到分四月 全書

てこりう とけ 城夏人以大兵破之報夜至帝早朝當宁慟哭宰執 靈武夏人次黄河水櫃以灌吾軍壘兵将凍溺不戰 宰相曰自今更不用兵與卿等宜共享太平然帝從 蒲宗孟進曰臣嘗言之帝正色曰卿何嘗有言在內 惟吕公著在外惟趙卨自言用兵不是好事既又謂 而自斃者數十萬人又用吕惠卿所薦徐禧築永樂 此掛掛不樂以致大漸嗚呼痛哉聞見 不敢仰視帝嘆息曰永樂之舉無一 宋名臣言行錄後集 人言其不可者

多坑四庫全書 安石祭政議改法理財與公意不合公稱病求去章數 公在亳時方行青苗錢公謂此法行則財聚於上 何 射判汝州公言新法臣所不曉不 不行提舉常平趙濟如公以大臣格新法除左僕 如公亦默然八 且富民不願請願請者皆貧後不可復得故持 **次許之** 一問誰可代卿公薦彦博上 砰 月以使相判亳州 一點然良久回安石 可以復治郡願歸

公自亳移汝遇南京張安道留守公來見坐久之公徐 公雖居家而朝廷有大利害知無不言交趾叛詔郭達 年方平知贡舉或薦安石有文學宜辟以考校姑從 荆公至得位亂天下方知其奸關見 討之公言海幡深遠不可以责其必進願詔逵擇利 曰人固難知也安道曰謂王安石乎亦豈難知者往 以出自此未嘗與語也富公俯首有愧色盖公素喜 安石既來一院之事皆欲終更之方平態其人 长为至 丁歌鬼 橡

故然政王克臣子同老上言至和三年仁宗弗豫其父 公為相及判河陽最後請老家居凡三上章皆言天子 與文彦博劉流及公同次大策乞立儲嗣會朝日疾 廖故緩其事人無復知者以其父先臣所撰詔首 言熈河諸郡皆不足守而河東地界决不可許 進退以全王師契丹来争河南地界上手諂問公公 /上以問彦博彦博言與同老合上嘉公等勲績如 而終不言諂以公為司徒

**飯定匹庫全書** 

11五千十

元豐六年公病上書言八事大抵論君子小人為治亂 世道禅神 復勝必肆毒於善良無所不為求天下不亂不可得 無職事惟辨君子小人而進退之此天子之職也君 何事帝曰言朕左右多小人惇曰可令分析孰為小 之本神宗語字輔曰富弼有章疏來章惇曰弼所言 1).... ,與小人並處其勢必不勝君子不勝則奉身而退 不勝則交結構扇干收萬轍心勝而後已小人 **灰白色与于果发集** 

富公致事家居專為佛老之學故吏日大臨與叔奏記 銀定四库全書 禮曰吾革今日曰誠如上諭明日曰聖學非臣所及 安得不謂之小人惇無以對是年五月大星殞於公 拜知其將終也關見 所居還政堂下空中如甲馬聲公登天光臺焚香再 之言是也罷朝惇責安禮曰左丞對上之言失矣安 帝曰弼三朝老臣豈可令分析左丞王安禮曰弼 公曰大臨聞之古者三公無職事惟有德者居之 1

といり時人は 豈世之所以望於公者哉品 氯移求長年此山谷避世之士獨善其身者之所好 道自任振起壞俗在公之力宜無難矣若夫移情變 則入於釋疑聖人大道為未畫輕禮義為不足學致 必將以斯道覺斯民成已以成物豈以爵位進退 力盛泉為之變哉今大道未明人趨異學不入於莊 内則論道於朝外則主教於鄉古之大人當是任者 偷不明萬物憔悴此老成大人惻隱存心之時以 宋名臣言行錄後集 〒 體

金分四月百十 事宰相以使相致仕者給全俸公以司徒使相致 獨居還政堂每早作放中門輸入瞻禮家廟對夫 居洛自三公俸 如賓客子孫不冠帶不見厚於 廷字德先能守家法與公兩壻及諸甥皆同居公之 府如也平時謝客文路公為留守時節往來公素喜來 門門平時謝客文路公為留守時節往來公素喜 公昔同朝更拜其母每勸其早退公既薨公子紹 如公無恙時毫髮不敢變鄉里稱之 百二 十千外皆不受公清心學道 子舍女僕城不得互相往)塵史云富鄭公治家嚴整 仕

火三日戸 公寺 富公之客李偲問公曰公治平初進户部尚書屢辭令 錄開 見 變法之初先臣以不行青苗法得罪臣不敢為此官 論政事不合出判北京七年不召自此眷禮復厚 日路公旨遷弼豈敢坠辭妨他人也盖路公與荆公 進司徒 一益嘉之除祠部負外即崇寧中卒明見 靖國初擢為河北西路提舉常平德先辭曰熙寧 辭而拜何也公曰治平初乃獨自辭官今 宋名臣言行錄後集

1

劉器之云富鄭公年 起分四月 陳希亮之流皆有聞於世世以為知人 生所薦甚眾尤知名者士 靖張瓌石介孫復吳奎韓維陳襄王鼎張显之杜 殺為儇兵交兩河腥聞於天 客晁 語氏 姓十二 有二 君四十四年如絲之林以人 書坐屏云守口如瓶防意 餘人 如王質與其弟 其呻寧爾 郵神 道 命我祖宗界

劓則ん 萬維生公手撫摩水潦荐飢散流而東五十萬人 復既馴則擾緩之堂堂韓公與莱相望再聘於燕邊 方以寧景徳元年始盟契丹公生是歲天命則然公 残我民六聖受命維 在母秦國寤瞻旌旗鶴應降格於庭云有天赦 我驕帝聞其言折其的茅篤生莱公尺筆笞之 公生天欲赦民公啓其衷遠至燕然南至於河億 矧敢好兵百三十年諱兵與刑惟彼犬戎謂 其心較其後人帝 命是承勿 既

次定四車全事

宋名臣言行錄後集

公生四歲而孤母韓國太夫人親教 較作領以配松高蘇內翰 星其堂有墳其丘公豈是藏維截降神今歸不留臣 哺於公公之在內自泉流瀬其在四方自葉流根百 官維人百度維正相我三宗重華協明帝謂公來順 字水叔吉州人舉進士事仁 政 歐陽修 文忠公 砷鉛 宗英宗神宗位至然 公讀書家貧至以

火にしり 日本 碑 章名冠天下留守王文康知其賢還朝薦之 世事选相師友與梅聖俞遊為歌詩相唱和遂以文 科補西京留守推官始從尹師魯遊為古文議論當 舉進士為一時偶儷之文已絕出倫革翰林學士胥 **教畫地學書公敏悟過人所覧椒能成誦比成人** 公從之京師兩試國子監一 公時在漢陽見而奇之曰子心有名於世館之門下 宋名臣言行錄後集 試禮部好第一遂中甲 主

范文 重为正月石章 公少時從里間借書讀或抄之抄之未畢而已成誦矣 撰吴 行丞 狀相 州稅公貽書責司諫髙若訥不能辨其非辜若訥大 臣贬知饒州余靖上 來此輩沉默畏慎布在世間忽見吾輩作此事下至 怒繳奏其書降授夷陵令公復與師魯書云五六年 正也亮讀直言無回避左右不便因言公離間大 與仲淹交淺臣於仲淹義無師友當從坐貶監郢 ||琉論靫以朋黨坐貶尹洙上言

欠上の手に馬 初范公之贬公與尹師曾余安道皆以直范公見逐目 公初坐論救范公遠貶三峽後元昊反范起為環慶帥 子以同道為朋小人 竈間老婢亦相 同其退不同其進可也遂解了 之黨人自是朋黨之論起公乃為朋黨論以進言君 開記 公掌牋奏公難曰吾初論范公事豈以為已利哉 相驚怪時蔡襄作四賢 人以同利為朋人君但當退 宋名臣言行錄後 集 不往狀 不肖詩以 上

澧州進柿木成文有太平字公言今四海縣然未見 重り 獨深知其忠改右正言知制語賜三品服故事知制 事無所回避小人視之如仇讎而公愈奮厲不顧 曰如歐陽修何處得來盖欲大用而不果也學 惠公比連公三人而已當因奏事論及人物上目 **誥必試上知公之文有古不試與近世楊文公陳文** いた人 偽明進君子之真明其言懇惻詳盡公性疾惡論 **小宣示於外** 准南漕臣獻美餘十 一萬贯公

保州兵亂以公為河北轉運使陛辭上 欠に日華に 職而言罪也上曰弟以聞勿以中外為意河北諸 請拒之以防刻剝我 恐後生發與公相遇於內黃夜半屏人 怙亂驕恣小不如意軟脅持州郡公奏乞 而悉誅之幹從二千人亦分隷諸州富公為宣撫使 以鎮壓士心軍中乃定初保州亂兵皆招以不死 計有所欲言言之公曰諫官得風聞言事外官越 **宋名臣言行錄後集** 一面諭無為久 )優假將師 至 留

議罷去公慨然上書論之用事者益怒會公之外 以繕 同 命州郡有一 女張嫁公族人晟以失行繋獄言事者乘此欲并 公遂起詔被窮治張貴產上 世人と日間 催綱司以督粮餉追州賴之又置磁相州都作 日誅之 路戎器河北方小治而二府諸公相繼以當 公曰禍莫大於殺已降况脅從乎既非朝 一不從為變不細富公悟乃止公奏置御 州神道 卷一 官監劾之

富公之 萬 歸至國門不得入遂罷知鄆州向若遂擅殺二千 北軍情於是京師禁軍巫亦大闋多所升權而富公 止是時小人讒言已入而富公大関河北之兵多所 ) ... ).... 福何可測也然則公一言不特活二千人命亦免 熟諸者因曰富弼擅命專權自作威福已收却 沮其議且曰脩至鎮州心不從命富公不得已 公於大禍也 )議誅亂兵也公時使河北復被命權知鎮州 遊 **长巴豆言丁绿变集** テル

一致定匹庫全書 公至和初判流内銓小人恐公且大用偽為公奏乞 執政賈昌朝陳執中惡公欲因張氏事深治之令蘇安 昭明為監勘官正色曰上令某監勘正欲盡公道 而言者多謂公無罪上亦悟留刊修唐書俄入翰林 銀鍊何等語也公遂清脫親公 世鞠很不成蘇云不如銀鍊就仍乞不錄問內官王 **汰宦官宦官聞之果怒陰以事中公遂出公知同州** 為學士自滁州之貶至是十二年矣上臨御既久遍

公在翰林仁宗一日乘間見御閣春帖子讀而愛之問 公在翰林日建言讖緯之書淺俗誣怪悖經妨道凡諸 しいしい したい 寘二府時慶歷舊人惟二公與公三人皆在朝廷士 篇篇有意數曰舉筆不忘規諫真侍從之臣也 左右曰歐陽修之辭也乃悉取宫中諸帖閱之見其 閱天下士奉臣未有大稱上意上思富韓之賢復召 書及傳疏所引請一 大夫知上有致治之意翕然相慶神道 切削去之以無誤後學仁宗命 宋行臣言行錄後集

知開封所代包孝肅以威嚴御下名震都邑公簡易循 權知貢舉是時進士為文以說異相高號太學體文 多好四母全書 是變而復古 名者點去殆盡膀出怨議紛然久之乃服然文章自 國子學官取諸經正義所引繼緯之說逐旋馬錄奏 大壞公患之所取率以詞義近古為貴比以險怪知 一時執政者不甚主之竟不行弘此家 不求赫赫之名有以包公之政厲公者公曰凡 į.

公嘗語人曰治民如治病彼富醫之至人家也僕馬鮮 7.10mm 1.1. 材性不一 愈矣則便是良醫凡治人者不問吏才能否設施何 明進退有禮為人診脉按醫書述病證口辨如傾聽 馬舉止生疎為人診脉不能應對病兒服樂云疾己 吾亦任吾所長耳聞者稱善並神 如但民稱便即是良吏故公為數郡不見治迹不求 7可愛然病兒服樂云無效則不如貧醫貧醫無僕 用其所長事無不舉強其所短勢必不逮 宋名臣言行錄後集 主

公為政以鎮静為本明不及察寬不至縱吏民安之 [宗既連失褒豫鄂三王遂更無皇子言者常以國本 聲譽以寬簡不擾為意故所至民便既去民思如楊 青南京皆大郡公至三五日間事已十减五六 所謂寬者不為尚急耳所謂簡者不為繁碎耳識者 何也曰以縱為寬以畧為簡則弛廢而民受其弊吾 以為知言遺 月後官府如僧舍或問公為政寬簡而事不弛廢者 兩

超近 四月全書

ていり ラーン・トラー 初無采納之意如此五六年嘉祐六年秋諫官司馬 但未得其人既而左右顧曰宗室中熟為可韓公對 光知江州吕誨有疏論述仁宗遷曰朕有意多時矣 不可不急交章論述每報留中余嘗因大水言之然 之議乃定明日奏事因又啓之上曰决無疑也余等 子小者甚純然近不慧大者可也遂啓曰其名謂何 曰此事豈臣下敢議當出自聖擇上曰宫中嘗養己 一即道今上售名曰名某今二十歲矣余等遂力賛 **长名臣言行錄後集** 

一多好四月全書 奏言事當有漸容臣等商量所除官既退遂議且判 甚好二公與余又奏曰此事若行不可中止乞陛下 宗正時今上猶在濮王喪乃議起復上大喜曰如此 斷在不疑仍乞自内中批出上曰此事豈可令婦 不領職事令外人忽見不次擢用皆知將立為皇子 知中書行可也命既出令上再三辭避至七年二月 不若正其名命立為皇子緣語勅降付閤門某得以 日服除堅卧稱疾前後十餘讓余奏曰宗室自來

ひこうり たます 外聞者相賀公奏 擇日旁七字其最下一字乃令名也是上親點令封 **皆余與西廳趙侍即自書其改名劉子余所書也所** 遂降韶立為皇子仍更名其自議皇子事凡所奏請 告報天下事即定矣不由县受不受也韓公力賛之 堅卧不受若立為皇子只煩陛下命學士作 不及三十口行李蕭然無異寒士有書數厨而已 在中書令上一 一自在濮邸即有賢名及遷入内良賤 宋名臣言行錄後集 丰 一詔書

孫侍郎長卿罷環慶路安撫拜集皆院學士為河東轉 銀分四月分章 自嘉祐以後朝廷務惜名器而進人之路稍狹公屢 多蓄之則傑然出為名臣矣餘亦不失為佳士也遂 記二府各舉五人状 言館閣育材之地材既難得而又難知則當博采而 運使臺諫交章論列長卿守邊無狀宜加降點中 以長卿歲滿得代無過可點而臺諫論奏不已六月 日進呈上属聲曰已行之事何可改臣脩奏曰

濮議初不出於公及臺諫有言公獨入辨於朝故議者 2.10ml 2.40 使我獨當罪則聲曾二公宜有愧於我後世以濮議 諫之言改正足以上彰陛下從諫之聖臣等能不遂 非而改過亦是好事但以長卿除授不為非當若從 臣等不為已行難改若朝廷果是除授不當能用臺 為是而獨稱我善則我宜愧於二公又撰濮議四卷 指公為立議之人公不自辨唯曰今人以濮議為非 臺諫之言使彼街冤受屈於理未安然之緣事 宋名臣言行錄後集 丰二

銀分四月子言 英宗之喪歐公於哀經之下服紫地皂花緊絲袍以 意合由是破諸異議自謂得之多矣蘇氏 悉記當時議論本末甚詳又於五代史記書晉元帝 取讀見為人後者為其父齊哀杖期云云其言與俗 生何嘗讀儀禮偶一日至子弟書院中几間有之因 父子之道尤為詳悉遺 **爻敬儒周世宗父柴守禮事及李彦詢傳發明人** 上不甚留意禮經嘗與祖父說濮議事自云脩平

較正四庫全書 公長子發娶冲御之女郎中薛良孺歐陽公之妻族也 頭固請以其奏付密院於是公與沖卿皆上章自辨 **某月日彭思永為臣言上以為無是事之竒伏地叩** 是怨之揚言於聚云公有惟簿之醜朝士以濮議故 多疾公由是流布遂廣蔣之竒遂以此事劾之仍言 曩歲坐舉官不當被劾遷延踰南郊放赦原良孺由 臨劉庠奏乞貶责上遣使語歐陽公使易之歐陽公 拜伏面謝温公 宋名臣言行錄後集 Ŧ

蔣之奇彈公英宗不聽之奇因拜伏地不起上顧左 另每日 問何故久不起之奇仰曰此所謂伏蒲矣上明日 濮議之是以娟脩由是薦為御史既而反攻脩脩尋 暧昧之事中傷大臣此風不可長乃命之竒思永分 亦外遷故其謝上表曰未乾薦禰之墨已屢射昇之 析好無以對俱坐謫官仍較榜朝堂先是之奇盛稱 後數日復取其奏以入因謂執政曰言事者以閏 卷二 門

次主四車至書 曹獨對奏曰近聞臺諫累奏臣專主濮議上荷陛下 公與魏公同在政府公長一 諫議事往往面折其短岩是奏事時語可知人不喜 推尊濮王同朝但攻公故公遗令託魏公作墓誌欲 語大臣京師傳以為笑龍川 全言者稍息上曰然政性直不避衆怨每見奏事時 令魏公承當此事耳鄉云 相有所異同便相折難其語更無回避亦聞臺 宋名臣言行錄後集 歲魏公諸事煩從之 Ī 至議 保

除判太原府公辭求知蔡州且曰時多喜新奇而臣思 重り 知青州諸縣散青苗錢公乞令民止納本錢以示不 俄詔以本官知蔡州 守拙眾方興功利而臣欲尋常執政知其終不 為利罷提舉管勾官聽民以願請不報碑 いろろうで (倚重且未及引年宣容逐去公曰脩平生名節 我此臣對曰臣以愚拙敢不如聖訓奏事 下生茶丞禧因間言曰公德望 执行 附

ラン・こり う たらう 自云學道三十年所得者平心無怨惡爾公初以范希 録倦 遊 石刻為 滌時自號醉翁晚年 其間是為六 卷藏書一 生少有所好獨好收畜古文圖書集三 | 描畫畫惟蚤退以全晚節豈可更俟驅逐 一卷以校正史傳百家訛謬之說為多在 萬卷琴 狀行 自號六 末名臣言行肆變集 張基 居士曰吾集古録 局常置酒 节 壶吾老

一多分四月全書 純仁大以為不然刻石則軟削去此一 希文盛稱日之野能釋私憾而共力於國家希文子 怨惡於人而其子不使解仇於地下父子之性相遠 文事得罪於吕相遠貶三峽流落累年吕公罷相公 取信於後世也吾嘗聞范公平生自言無怨惡於 始被進擢後為范公作神道碑言西事時吕公擢用 死未嘗解仇公歎曰我亦得罪於吕相者唯其言公 · 無其與吕公解仇害見在范集中豈有父自言無 K 節云我父至

知賴州時吕公之子公著為通判為人有賢行時 とこりら こら 公於經術務究大本所發明簡易明白論詩曰察其意 刺知其善惡以為勸戒所謂聖人之志者本也因其 知公還朝力薦之由是漸見握用遺 如此信乎 求異於諸儒嘗曰先儒於經不能無失而所得者固 失傳妄自為之說者經師之末也今學者得其本 不斯善矣得其本不通其末闕其所疑可也 発朱善惡異也 宋名 臣言 行錄後集 直

被召採唐書又自撰五代史其為紀 多矣盡其說而理有不通然後得以論正予非好 狀行 禮樂志明前世禮樂之本出於 其餘則曰毛鄭之說是矣復何云乎 名五行志不書事應盡破漢儒災異附會之該其論 異論也其於詩易多所發明為詩本義所改百餘篇 著類此五代史辭約而事備及正前史之 而後世禮樂為空 用春秋法於唐 火為尤名

銀分四月分言

修唐書最後置局專修紀志而已列傳則尚書宋祁修 易及書成奏御吏白舊制修書只列書局中官品者 於是紀志書公姓名列傳書宋姓名此例皆前未有 於列傳用功深而為日久豈可揜其名而奪其功乎 前單且人所見多不同豈可悉如己意於是一無所 傳令刪修為一體公雖受命退而歎曰宋公於我為 也朝廷以一書出於兩手體不能一遂諂公刊詳列 人姓名云县等奉敕撰而公官高當書公曰宋公

火巨四年全時

宋名臣言行蘇後集

卖

重り 公修五代史記發貶善惡其法甚精發論必以嗚呼 **舊史添數倍議者以謂功不下司馬選又謂筆力馳** 騁相上下而無駁雜說至於紀例精密則選不及也 論曰昔孔子作春秋因亂世而立治法余述本紀以 治法而正亂君此其志也書減舊史之半而事迹比 相陵掩此事前所未開也 自公為始也宋公聞而喜曰自古文人不相讓而好 此亂世之書也吾用春秋之法師其意不襲其文 がノニーで

J.

火三日日 八町 公父鄭公嘗有遺訓戒慎用刑公母韓國夫人以語 公之於文天材有餘豐約中 公於古文得之 迹自極其工議 義理自勝短章 夫天地之妙造化萬物動者植者無細與大不見痕 **亦嘗謂我作伶官傳豈下滑稽者也証遗** 「淫則随終不可及是以獨步當世 自然非學所至超然獨騖眾莫能及譬 大論施無不可有欲效之不詭則俗 宋名臣言行錄後集 度雍容俯仰不大聲色而 事 ŧ

張舜民遊京求謁先達是時公與司馬公王荆公為學 國分四月 有量 者所趨諸公之論於行義文史為多惟公與談吏事 文章為欲聞者今先生多教人以吏事所未喻也公 罪故死罪非殺人者多所平反盖鄭公意也母 曰不然吾子皆時才異日臨事當自知之大抵文學 既久之不免有請大凡學者之見先生莫不以道德 公終身行之以謂漢法惟殺人者死令法多雜犯死 止於潤身政事可以及物吾昔貶夷陵欲求史漢 表二

公嘗誦王沂公之言曰恩欲歸已怨使誰當且曰貧賤 徇情滅親害義無所不有且以夷陵荒遠褊小尚 此天下固可知也當時仰天誓心曰自爾遇事不 見其枉直乖錯不可勝數以無為有以枉為直違法 觀公私無有也無以遣日因取陳年公案反覆觀之 忽也迨今三十餘年出入中外忝塵三事以此自將 今日以人皇我必為翰墨致身以我自觀諒是當時 ) 言之報也張去 1.11 长名至言 行課後集 女口

銀定 四库全書 公與其姪書云歐陽氏自江南歸明累世蒙官禄吾今 常思富貴富貴以履危機此古人所以數也惟不思 榮事昨書中欲買朱砂來吾不闕此物汝於官下宜 而得既得而不忠失之者其無幾乎的 守應何得買官下物吾在官所除飲食外不曾買 有差使盡心向前不得避事至於臨難死節亦是汝 物汝可觀此為戒也內翰蘇公題其後曰几人勉強 被榮顯致汝等並列官品當思報效偶此多事如 ...

蘇内翰軾序公之文曰自漢以來道術不出於孔氏 達於孔氏其言簡而明信而通引物連類折之於至 後三百有餘年而後得歐陽子其學推韓愈孟子以 理以服人心故天下翕然師尊之曰歐陽子今之 亂天下者多矣晉以老莊敗梁以佛亡莫或正之五 百餘年而後得韓愈學者以配孟氏蓋庶幾馬愈之 於外何所不至惟考之於其私乃見真偽此公與 7 .... |東坡 集 长台鱼言于我交集 而

| 一致定四庫全書 歐陽文忠公答李詡論性書性非學者之所急而聖人 嘉祐末號稱多士歐陽子之功為多 髙以救時行道為賢以犯顏納諫為忠長育成就至 氣弱自歐陽氏一出天下争自濯磨以通經學古為 祐極矣而斯人終有愧於古士亦因恆守舊論平而 愈也宋興七十餘年民不知兵富而教之至天聖景 之所罕言或因而及馬非為性而言也文忠雖有是 武然大約慎所習與所感及率之者以孟首楊之說

灰色四年公告 原 來人能正心則事無足為者矣大學之修身齊家 端論邪說之害則曰生於其心害於其政論事君則 欲格君心之非正君而國定干變萬化只說從心上 者其在此書矣塵 學者之所當先聖人之欲言吾知永叔貽後世之訴 皆為不悖此其大畧也臨岐計都官用章謂予曰性 至論仁義禮智則以惻隱羞惡辭讓是非之心為之 部書只是要正人心教人存心養性收其放心 宋名臣言行蘇後集 中十

重り 欲之私與聖賢作處天地愚隔龜山 循及理通也外邊用計用數假能立得功業只是 國平天下其本只是正心誠意而已心得其正然後 宋名臣言行錄後集卷二 知性之善孟子遇人便道性善水叔郝言聖人 能非所先永叔論别是非利害文字上儘去得但 でんとこで 分之內全無見處更說不行人性上不可添 舜所以為萬世法亦只是率性而 己所謂率性 ķ